

## MATERIALISMO HISTERIKOA

## Zainduta



UXUE APAOLAZA LARREA

Umea gelan erantzten utzi, eta ni lau minutuan jantzi naiz, bi pasa behar izan ditudalako pulamentuzko kulerorik ez dudala ohartzeko, eta souvenir moduan gordeta nituen norbaiten kaltzontziloak janzteko. Nik bakarrik jakingo dut galtzen azpian Spiderman daramadala. Hogeita bost gutxi. Bost minutu honezkero aspaldi biluztuko zen umea janzteko. Logelara abiatu naiz, “jantzi egingo gara, pitxin”, eta pitxin zegoen pijamaren hanka bat erantzita, bestea jantzita zapatila eta guzti, goiko aldea buff baten moduan lepoaren bueltan, gelan zehar lasterka, argia itzalita, linternarekin sabaian marrazkiak imajinatuz eta argizatuz. Ez ziren bost minutu izango.

Lehenengo kaxan huts egin dugu, txiki, etxetik atera baino lehen: jaiki eta zure irudimen une oparoenak ordutegi eta pauta arrotzertara makurtu beharra da lehenengoa. Jaiki, gosaldtu, garbitu, jantzi, abiatu. Eta errieta egin behar dizut (ni naiz zure lehen kartzeleroa), obeditzen ikas dezazun, lehenbailehen, ate joka hasten direlako bestela irakaslea, berritzegunea, pediatra, eta inguruko (polizia) guztiak. Eta aberatsak bagina, edo hezkuntza pribaturako joera handiagoa bagenu, baliteke ratioak beste batzuk izatea, eta arazoak ere bai, baliteke kaxa zabalagoa izatea. Baina hogeita hiruko gela batean zaude, eta geldi egon behar duzu. Zure irudimen une oparoenak geldi egotera makurtu behar dituzu, geldi egoteko kontzentratzen. Eta jangelan, ikasgelan bezala, abiadura ezarrita dago, menua ere bai, dena jan behar duzula ere bai, eta janariaz berriketa gutxi, ipuinak gutxiago. Arratsaldea ere kaxaz kaxa pasako ditugu. Horretarako prestatzen ari zara bulego (koloretsu) itxurako leku horietan guztietan. Kaxaren neurrien barruan bizitzeko.

Kaxetako zirrikituetatik begiratzen irakatsi beharko diot momentuz, irteteko gehiegizko gogorik piztu gabe. Ez dakit. Nolabait irakatsi beharko dizut kaxetara kondematuta gaudela momentuz, baina iritsiko dela eguna gaitasuna edukiko duena kuleroen ordeztu maitale baten Spidermanen kaltzontziloak eramateko, inor enteratu beharrik gabe. Eta, batzuetan, baita galtzak jaisteko ere. Zainduko duen polizia kopuruaren arabera. ●

## EZ HANKA EZ BURU

ADUR LARREA

www.adurlarrea.com



## Guda zikina

Jose Miguel Etxeberria *Naparra* aurkitzeko bigarren saioak porrot egin du Landetako Mont de Marsan inguruetan. 2014an, NBEk onartu zuen *Naparra* indarrez desagerrarazi zutela, berea gizateriaren aurkako krimena dela, delituak ez duela preskribatzen eta auzia argitu arte ikertzen jarraitu behar dela.

## Presoak

Badira sei-zazpi urte kartzelan lanean aritu den euskara-irakasleen sare bat, presoek euskara ikasteko duten eskubidea bermatzeko helburuz: Presoen Euskara Irakasleen Taldea. Taldeak agur esan berri du; administrazioari pasa diote kartzeletan euskara eskolak emateko lekukotza.

## Trans identitatea

Transen eskubideen aldeko elkarretaratzea egin dute Baionan, 800 eragilek deituta. Transen aurkako erasoan gorakadak, eskuineko alderdiko senatarien lege proposamenak eta *Transmania* liburu transfoboaren argitaratzeak akuilatu dute mobilizatze beharra.